

پولس آتن میان

۱۶ وختی پولس آتن میان سیلاس و تیموتائوس منتظر ایسه بو، مجسمه ی بُتآن کی شهر دورون بیده، پریشان بوسته. ۱۷ هن وستی کنیسه میان، یهودیان و یونانیان خوداپرست آمرأ و هطو هر روز شهر میدان دورون رهگذران آمرأ گب زهی. ۱۸ چند نفر جه فیلسوفان اپیکوری و رواقی یم اون آمرأ شروع به بحث بوکودید. بعضی یان بوگفتیدی: «ایاوه گو چی خوابه بگه؟» چند نفر دیگرم بوگفتیدی: «شاید جه خودایان غریبه گب زن دره»، چونکی پولس جه عیسی و اون زنده بوستن جه دنیای مُرده یان بشارت دئن دبوو. ۱۹ بزین اون اوسدیدی، بریدی «آریوپاگوس» شورا و اویه اون بوگفتیدی: «تأنیم بدانیم کی آ تعلیم جدید کی تو دیهی، چی ایسه؟ ۲۰ تی گبان امی گوشان ره غریبه یه. پس خوابیم بدانیم آ گبان چی معنی دهه.» ۲۱ تومام اوشانی کی آتن میان زندگی کودیدی و اوشانی کی آتن میان غریبه بید، هیچ کار دیگری ناشتیدی، مگر گفتن و ایشنوستن عقاید جدید آمرأ خوشان وخت بوگذرانید.

۲۲ پس پولس «آریوپاگوس» شورا میان ویریشته و بوگفته: «ای آتن مرداکان، من دانم کی شومان در مورد دین و مذهب خیلی دقیق ایسید، ۲۳ چونکی وختی شهر میان گردستن دوبوم و شیمی معبدان دئن دوبوم، ایتا مذبح پیدا بوکودم کی اون رو بینیویشته بو: (تقدیم به خودای ناشناخته). شومان ناشناخته اون پرستش کونیدی. هسه من جه او خودا شمی ره گب زنم.

۲۴ «خودایی کی جهان و هر اونچی کی آن میان وجود دأره خلق بوکوده، مالک آسمان و زمین ایسه و معبدان میانی، کی بشر دس امرأ چاکوده بوبوسته، ساکن نیبه ۲۵ و چیزی کی آدمآن خوشآن دس مره چاکونیدی نیازی نأره، چونکی خودا نَفَس زئن و حیات و همه کی چیزآن خودش آدمآن فده. ۲۶ اون جه ایتا انسان، تومام بشر و قومآن به وجود بأورده تا کی سرتاسر زمین سر ساکن بیید. اوشآن ره زمان و محل سکونت محدودی برقرار بوکوده، ۲۷ کی اوشآن، خودا دونبال بگردید، اون پیدا بوکونید و شاید اون لمس بوکونید، هرچند کی خودا جه هیچکدام آمان دور نی. ۲۸ چونکی اون جا زندگی و حرکت و هستی دأریمی، هطو کی بعضی جه شیمی شاعرآن بوگفتیدی: (آمان اون زاکان ایسیمی.)

۲۹ چونکی جه نسل خودایم، شایسته نی یه کی فکر بوکونیم خودا ذات الهی، مجسمه ای طلا، نقره یا سنگی امرأ برابر ایسه کی به دس هنرمند و سازنده ای ایتا انسان اختراع یا چاکوده بوبوسته. ۳۰ خودا پیشترآن کارانی کی آدمآن جه روی نادانی انجام دیدی تحمل کودی ولی هسه همه جا، تومام مردومآن حکم کونه کی و اوتوبه بوکونید. ۳۱ چونکی خودا روزی بر قرار بوکوده کی جهان جه جانب ایتا مرد کی اون انتخاب بوکوده، عدالت امرأ داوری کونه. خودا اون دونیای مُرده یان جا ویریزانه تا آکار امرأ، ا حقیقت ثابت بوکونه.»

۳۲ وختی کی موضوع کی کسانی کی میریدی و دوواره زنده بیدی بیشنوستیدی، بعضی یان مسخره بوکودیدی ولی چند نفر بوگفتیدی: «آمان خوایم ایتا فرصت دیگر جه اونچی کی بوگفتی بیشنویم.» ۳۳ اطوی پوئس او جمع ترک کوده. ۳۴ ولی چند

نفر اونؑ امرأؑ همراءؑ بوبوستيد و ايمانؑ باوردیدی: ديونيوسيوس؁ عضوؑ آريوپاگوسؑ
شورا؁ ايتاؑ زناکی کی داماریس نام داشتی و چند نفرؑ ديگرم کی اونؑ امرأؑ بيد.